

摘藻堂四庫全書薈要

史部

欽定四庫全書薈要卷八千三百二十二

吏部

欽定大清會典卷九十三

鑾儀衛

掌衛事內大臣一人鑾儀使滿二人漢一人掌  
乘輿供奉秩序鹵簿所屬左右中前後五所馴象一  
所旗手一衛○左所冠軍使滿一人雲麾使滿  
三人漢二人治儀正滿四人漢四人整儀尉滿  
二人漢九人掌輦輅○右所冠軍使滿一人雲

麾使滿三人漢一人治儀正滿三人漢三人整  
儀尉滿三人掌繳蓋儀刀弓矢槍及戟○中所  
冠軍使滿一人雲麾使滿三人漢一人治儀正  
滿三人漢三人整儀尉滿二人漢二人掌麾麾  
旂幢纛幟節鉞仗馬○前所冠軍使滿一人雲  
麾使滿三人漢一人治儀正滿三人漢五人整  
儀尉滿二人漢二人掌扇拂鑑合盃槃几倚星  
御仗引仗授薦靜鞭品級山○後所冠軍使滿

一人雲麾使滿三人漢二人治儀正滿三人漢

三人整儀尉滿二人掌旗爪吾仗○馴象所冠

軍使滿一人雲麾使滿三人漢一人治儀正滿

三人漢二人整儀尉滿一人漢一人掌儀象騎

駕鹵簿饒歌前部大樂○旗手衛冠軍使滿一

人漢一人雲麾使滿二人治儀正滿一人漢二

人整儀尉滿一人漢二人掌金鉦鼓角饒歌大

樂○贊鳴鞭八人

於滿冠軍使以下各官內委用

○陪祀冠軍

使漢二人主事滿一人經歷漢一人筆帖式十人

凡鹵簿

皇帝大祀

南郊乘

玉輦陳

大駕鹵簿前列導象四民尉二十八人次寶象五民尉八十人雲麾使一人治儀正二人次靜鞭

四民尉十有四人治儀正一人次前部大樂大  
銅角四小銅角四金口角四和聲署史十有二  
人次革輅駕馬四民尉三十二人木輅駕馬六  
民尉三十二人象輅駕馬八民尉三十四人金  
輅駕象一民尉四十四人玉輅駕象一民尉四  
十四人雲麾使一人治儀正二人次饒歌大樂  
金二金鉦四鈸二鼓二點二籥四雲璈二管二  
笙二金口角八大銅角十有六小銅角十有六

金鈺四紅鐙二畫角二十四摑鼓二十四紅鐙

二遂十有二拍版四仗鼓四金二摑鼓二十四

紅鐙二署史四十八人民尉百八十八人冠軍

使一人整儀尉二人次引仗六御仗十有六吾

仗十有六立瓜十有六臥瓜十有六星十有六

鉞十有六出警入蹕旗各一旗尉九十人民尉

六十七人五色幟四十旗尉三十人民尉四十

人雲麾使一人整儀尉二人次翠華旗二金鼓

旗二門旗八日月旗各一五雲旗五五雷旗五  
八風旗八甘雨旗四民尉七十二人列宿旗二  
十八五星旗五五嶽旗五四瀆旗四神武朱雀  
白虎青龍旗各一民尉九十二人天馬天鹿辟  
邪犀牛赤熊黃羆白澤角端遊麟彩獅振鷺鳴  
鳶赤烏華蟲黃鵠白雉雲鶴孔雀儀鳳翔鸞為  
旗二十民尉四十人五色龍纛四十前鋒纛八  
護軍纛八驍騎纛二十四旗尉四十人民尉百



二十人雲麾使一人治儀正二人整儀尉二人  
次黃麾四儀鎗斃四金節四進善納言敷文振  
武旌各二褒功懷遠行慶施惠明刑弼教教孝  
表節旌各二民尉五十六人龍頭旛四豹尾旛  
四絳引旛四信旛四羽葆幢四霓幢四紫幢四  
長壽幢四民尉六十四人雲麾使二人治儀正  
二人整儀尉二人次鸞鳳赤扇八雉尾扇八孔  
雀扇八單龍赤扇八單龍黃扇八雙龍赤扇八

雙龍黃扇二十壽字黃扇八旗尉二十四人民  
尉百二十八人雲麾使一人治儀正二人整儀  
尉二人次赤素方繖四紫素方繖四五色花繖  
二十間以五色九龍繖十旗尉三十人民尉八  
十四人九龍黃蓋二十紫芝蓋二翠華蓋二九  
龍曲柄黃蓋四旗尉三十人民尉八十四人鑾  
儀使一人雲麾使一人治儀正二人整儀尉二  
人次戟四親軍八人及四親軍八人豹尾槍三

十護軍六十人弓矢三十儀刀三十親軍各六十人雲麾使一人治儀正二人整儀尉四次仗馬十護軍二十人冠軍使雲麾使二次金方几一金交倚一金餅二金盥槃一金盃一金合二金鑪二拂二旗尉二十二人雲麾使一人治儀正二次九龍曲柄黃華蓋一執蓋武備院掌蓋司蓋四人前引佩刀大臣十人提鑪二執鑪侍衛二人

玉輦在中左右奉輦鑾儀使二人扶輦冠軍使一

人雲麾使一人治儀正二人整儀尉二人旗尉

民尉各十有八人後扈佩刀大臣二人豹尾班

執豹尾槍侍衛十人佩儀刀侍衛十人佩弓矢

侍衛二十人領侍衛內大臣一人侍衛班領二

人次後管散秩大臣一人前鋒護軍統領一人

給事中御史二人各部郎中員外郎四人侍衛

班領一人署侍衛班領一人侍衛什長二人次

黃龍大燾二領侍衛內大臣或散秩大臣一人  
司燾侍衛什長二人建燾親軍四人佩鳴螺親  
軍六人禮成

回鑾乘禮輿

大駕鹵簿同

扈從大臣侍衛從官均自

午門外乘馬至祀所門外止

各祭祀同

○大祭

北郊乘

金輦陳

法駕鹵簿前列導象次寶象次靜鞭次前部大樂

次五輅與

大駕同民尉署史雲麾使治儀正數均如之次鐃

歌大樂大銅角八小銅角八金鈺四角二十四

擗鼓二十四遂十有二拍版四杖鼓四金二擗

鼓二十四

署史十有二人民尉百八十八人  
間以紅鍙從以冠軍使整儀尉同次

引仗御仗吾仗立瓜臥瓜星鉞各六出警入蹕

旗各一五色幟二十次翠華金鼓門旗日月雲

雷風雨列宿五星五嶽四瀆神武朱雀白虎青

龍天鹿天馬辟邪犀牛赤熊黃羆白澤角端遊  
麟彩獅振鷺鳴鳶赤烏華蟲黃鵠白雉雲鶴孔  
雀儀鳳翔鸞各旗如

大駕之數五色龍纛二十前鋒纛八護軍纛八驍  
騎纛二十四次麾筆節旌旛幢次鸞鳳赤扇雉  
尾扇孔雀扇單龍赤扇單龍黃扇雙龍赤扇壽  
字黃扇均如

大駕之數雙龍黃扇八

民尉百二十八人從以雲  
麾使治儀正整儀尉皆同

次赤素紫素繖各四五色花繖十間以五色九

龍繖十

民尉六十四人

九龍黃蓋十紫芝翠華蓋各二

九龍曲柄黃蓋四

民尉五十四人從以鑾儀使雲麾使整儀尉同

次戟

父如

大駕之數

親軍同

豹尾槍二十護軍四十人弓矢二

十儀刀二十親軍各四十人次仗馬如

大駕之數

護軍同

次几倚餅槃盃合鑪拂

旗尉同

次九

龍曲柄黃華蓋

執以掌蓋司蓋同

前引佩刀大臣十人



提鑪二執鑪侍衛二人

金輦在中左右奉輦鑾儀使二人扶輦冠軍使雲  
麾使各一人治儀正整儀尉各二人旗尉民尉  
各十有四人後扈佩刀大臣豹尾班執豹尾槍  
佩儀刀佩弓矢侍衛領侍衛內大臣侍衛班領  
後管散秩大臣前鋒護軍統領給事中御史郎  
中員外郎侍衛班領署侍衛班領侍衛什長黃  
龍大纛領侍衛內大臣散秩大臣司纛侍衛什

長建燾佩鳴螺親軍均與

大駕同○饗

太廟祭

社稷不設前部大樂祭

堂子朝

日夕

月

耕藉饗

先農

親饗

前代帝王

先師乘

禮輿

乘禮輿則并乘玉輦金輦

餘均與

郊大祀同○

朝會

御殿陳

法駕鹵簿華蓋在

太和殿門外正中拂鑪合盃槃鉞在

殿檐東西儀刀弓矢豹尾槍戈戟在丹陛東西九  
龍曲柄黃蓋翠華蓋紫芝蓋九龍黃蓋五色九  
龍繖五色花繖自丹陛三成相間達於兩階階  
下靜鞭仗馬在甬道東西紫素赤素繖扇及幢  
旛旌節麾纛旗幟出警入蹕鉞星瓜仗在丹  
墀東西玉輦金輦在

太和門外五輅在

午門外寶象在五輅之南饒歌大樂在寶象之南

朝象

即尊象

在

天安門外從官旗尉民尉及各執事均與前同○

御樓受俘陳法駕鹵簿設丹陛鹵簿於

午門外左右兩觀下設丹墀鹵簿於

闕左右門至

端門北設仗馬於兩角樓前設步輦五輅寶象於

天安門外設靜鞭於兩角樓前夾御道左右設前部大樂於

午門下設金鼓鐃歌大樂於鹵簿之南

駕出鳴

午門鐘○

巡幸皇城内陳

鑾駕鹵簿前列御仗四吾仗四立爪四卧爪四星  
四鉞四次五色幟十五色龍燄十雙龍黃扇十

九龍黃繖十

均旗尉掌執

次九龍曲柄黃華蓋一

乘輿在中前引後扈大臣豹尾班執豹尾槍佩儀刀

如常儀○

時巡省方陳

騎駕鹵簿前列鐃歌大樂金二金鉦四鈸二鼓二  
點二遂四雲璈二管二笙二金口角八大銅角  
八小銅角八次御仗六吾仗六立爪六卧爪六  
星六鉞六次五色幟十五色龍燄十單龍赤扇

六雙龍黃扇六五色花繖十次豹尾槍弓矢儀  
刀各十次九龍曲柄黃華蓋一

御騎在中

間乘步輿

前引後扈大臣左右侍衛均佩刀屬

索韃豹尾班侍衛殿於後以領侍衛內大臣一  
人侍衛班領二人率之次黃龍大纛領侍衛內  
大臣司勳縣侍衛什長建纛佩鳴螺親軍均與

大駕同扈從內大臣侍衛及親軍護軍均乘馬擎  
執用旗尉乘馬亦如之○駐宿



御營每朝鳴角每夕奏饒歌樂

起請

鑾前旨

○恭遇

大閱陳騎駕鹵簿於

行宮門外

駕出奏饒歌大樂開操時率鳴角軍鳴畫角於臺上  
回鑾奏饒歌清樂○

皇太后宮陳

儀駕

均內監擎  
執後同

拂二金香鑪二金合二金槃一金盃

一金餅二金方几一金交倚一次九鳳曲柄黃

蓋一節二黃花繖四赤素方繖四五色九鳳繖  
十龍鳳黃扇四龍鳳赤扇四黃雉尾扇四赤雉  
尾扇四五色龍鳳旗十卧瓜四立瓜四吾仗四  
明黃八人儀轎二儀輿二十六人鳳轎一鳳輿

一〇

# 皇后宮陳

儀駕同

惟旗扇繪繡  
均用鳳文

〇

皇貴妃儀仗拂二金鑪合槃盃各一金餅二金方

几一金交倚一次七鳳明黃曲柄蓋一節二明  
黃赤黑花繖各二赤黑瑞草繖各二金黃赤黑  
素扇各二赤黑雉尾扇各二金黃金鳳旗二赤  
黑金鳳旗各二赤黑素旗各二臥瓜立瓜吾仗  
各四明黃八人儀轎一儀輿一八人翟轎一○  
貴妃儀仗減金黃赤黑素扇各二金黃金鳳旗二  
赤黑素旗各二臥瓜立瓜吾仗各二七鳳曲柄  
蓋花繖及轎輿色用金黃餘與

皇貴妃同○

妃采仗拂二銀鑪合槃盃各一銀餅二銀方几一  
銀交倚一次金黃七鳳曲柄蓋一節二金黃素  
繖二赤黑花繖各二赤黑素扇各二赤黑金鳳  
旗各二卧瓜立瓜各二吾仗二四人儀轎一儀  
輿一金黃八人翟轎一○

嬪采仗減拂二金黃素繖二黑花繖二黑素扇二  
黑金鳳旗二增金花繖二七鳳曲柄蓋色用赤

餘與

妃同

凡朝會執事

皇帝御

太和殿受朝賀及慶典筵燕先一日司梭薦官鋪  
梭薦於

殿陛至日五鼓陳設鹵簿委官率校尉自禮部昇  
表箋亭陳於

午門外冠軍使等官立於丹陛西階三成每成二人傳贊鳴鞭

駕出宮

午門嚴鼓鳴鐘

皇帝御殿三傳鳴鞭禮成傳鳴鞭如初○  
頒詔設雲盤黃蓋於

太和殿丹陛下設龍亭引仗於

午門外

詔至三成階下承以雲盤張黃蓋出

午門載以龍亭校尉舁亭引仗前導至

天安門宣讀畢金鳳銜下仍設龍亭由

大清門出送至禮部

殿試榜舁出

長安門餘同○

御經筵講書

臨軒策士考選庶吉士御史主考

廷試博學宏辭庶吉士散館均委官率校尉執事

凡祭祀執事冬至大祀

圜丘孟春

祈穀孟夏

常雩先一日

皇帝恭閱祝版玉帛香委官率校尉舁香亭龍亭詣  
太和殿蒞禮成舁至祀所

神庫安設夏至大祀



方澤先一日設亭於

午門外俟太常官奉祝版出納於亭校尉舁至祭

所下由太常寺太廟以是日陳設鹵簿

皇帝詣

齋宮

午門鳴鐘鹵簿前導前部饒歌大樂設而不作祭

日請

神位委官率校尉恭昇

神亭

皇帝於大次前盥手以冠軍使雲麾使恭奉盥盤進  
帨巾禮成

回鑾作前部饒歌大樂陳鹵簿鳴鐘如初○時饗

太廟

駕出

午門嚴鼓

回鑾鳴鐘春秋祭



社稷朝

日夕

月祭

堂子饗

前代帝王

先農

先師

駕出

午門鳴鐘陳設鹵簿盥手進盤巾

回鑾作樂鳴鐘均如前儀○謁

陵

駕出入

午門均鳴鐘

行幸出入

午門鳴鐘亦如之

凡本衛官除授掌衛事內大臣員闕由領侍衛

府以領侍衛內大臣內大臣列名疏請補授滿  
鑾儀使員闕於冠軍使及一等待衛內簡選冠  
軍使於雲麾使內簡選雲麾使治儀正於治儀  
正整儀尉內以次簡選如選不得人移領侍衛  
府簡選三旗三等侍衛擬補雲麾使藍翎侍衛  
擬補治儀正整儀尉於滿洲蒙古世爵及佐領  
內簡選均由衛引

見補授漢鑾儀使員闕由兵部以直省提督總兵官

本衛漢冠軍使列名疏請補授冠軍使雲麾使  
治儀正於雲麾使治儀正整儀尉內以次簡選  
整儀尉於漢軍領催驍騎閑散人內簡選均由  
衛引

見補授○大計軍政屆期均由衛注考冠軍使以下  
密咨兵部主事以下密咨吏部彙疏以

聞

凡軍衛儀刀弓矢戈戟用親軍豹尾槍仗馬用

護軍蒙古畫角用蒙古鳴角軍奉輦擎執各校尉由內府選充者為旗尉五城選充者為民尉奉輦旗尉百六十八人民尉六十人各執事旗尉二百四十六人民尉三百二十二人左右中前後五所民尉計千三百二十八人馴象所民尉二百有六人八旗漢軍更夫四十人凡譙漏

神武門及鐘鼓樓每夕率校尉直更

巡幸

駐蹕率更夫直更亦如之○恭遇


大閱前夕於

行宮門前鳴角鼓鑿





欽定大清會典卷九十三



總校官候補中書臣吳紹潔

校對官編修臣莫瞻菴

謄錄監生臣汪承泰

謄錄監生臣王宮

欽定四庫全書叢要

史部

欽定大清會典卷九十四至  
六

詳校官編修臣繆晉




欽定四庫全書薈要卷八千三百二十三

吏部

欽定大清會典卷九十四

領侍衛府

國初以八旗將士平定海內鑲黃正黃正白三旗  
皆

天子所自將爰選其子弟命曰侍衛用備隨侍宿衛  
統以勲戚大臣視古虎賁旅賁氏職綦重焉

領侍衛內大臣六人

三旗各二人

內大臣六人散秩

大臣無定員掌統領侍衛親軍以先後

宸御左右翊衛侍衛一等六十人二等百五十人三等四等二百七十人藍翎侍衛九十人三旗宗室侍衛一等九人二等十有八人三等六十三人每十人各設什長一人

御前侍衛

乾清門侍衛皆無定員

於三旗侍衛內簡擢

隨印協理事

務侍衛班領十有二人

於班領署班領什長內選用

漢侍衛

無定員

分一二三等及  
藍翎侍衛同

主事一人筆帖式十有

二人貼寫筆帖式十有五人掌辦理章奏收發

文移

凡宿衛更番輪直凡六班班分兩翼各設侍衛  
班領一人署班領一人侍衛三十人宿衛

乾清門

為內班

散秩大臣一人侍衛親軍十人宿衛

中和殿侍衛什長三人侍衛親軍三十人宿衛

太和門

為外班

以領侍衛內大臣一人總統之內大

臣散秩大臣二人隨班入直

行幸駐蹕宿衛一如

宮禁之制

凡扈從後扈二人於領侍衛內大臣內

簡命前引十人於內大臣散秩大臣暨統領副都統  
內

簡用豹尾班侍衛於三旗侍衛內選功臣後裔六十  
人日以二十人直

後左門

乘輿出入以十人執豹尾槍十人佩儀刀侍於

乾清門階下左右

駕出豹尾班侍衛殿於後以領侍衛內大臣一人侍  
衛班領二人領之

駕還宮隨至

乾清門退歸直

皇帝詣



皇太后宮行禮前引大臣自

隆宗門內導引至

慈寧門階止豹尾班至門階下牆角左右止立後扈  
大臣隨升階稍後立

皇帝御殿前引大臣自

太和殿後導引由

寶座兩旁趨至

寶座前左右東西面立後扈大臣二人

宮內隨出升至

御座左右僉立豹尾班於

寶座後左右南嚮立

躬祀

壇

廟以一二等侍衛二十人佩弓矢蒞於

太和門於豹尾班之次隨行前引後扈大臣均佩

刀引扈如儀

南郊前引大臣立於三成階上豹尾班立於內壝門外  
祈年殿

太廟前引大臣立於第一成階上

殿門前豹尾班立於三成階下

北郊

日壇

月壇前引大臣立於階下豹尾班立於內壝門外

社稷壇前引大臣立於內壝門外豹尾班立於拜殿

南門外展拜

堂子前引大臣立於甬道北豹尾班立於祭

神殿兩旁

先農壇前引大臣立於階下豹尾班立於樂懸南均  
分左右序立後扈大臣均隨升降於

皇帝後左右僉立○

巡狩方岳

御前大臣侍衛暨

乾清門侍衛均隨從輪直侍衛以二班或三班隨

從日行以侍衛二十人前導左右各十人豹尾  
班侍衛二十人扈從領侍衛內大臣侍衛班領  
率之次二班侍衛列隊行次王公一二品文武  
大臣隨行次領侍衛內大臣或內大臣散秩大  
臣一人侍衛什長二人率黃龍大纛行餘侍衛  
暨扈從各官均於大纛後以次行仍分令侍衛  
稽察踰越喧譁者○

駐蹕行營以內大臣一人散秩大臣二人入直

御前內大臣侍衛暨

乾清門侍衛分宿

御營兩廂

御營黃幔城旌門以侍衛班領一人署班領一人  
內班侍衛二十人四隅班領二人署班領二人  
率內班侍衛各十人網城門內以侍衛什長三  
人率外班侍衛親軍三十人環共宿衛○

大閱日前引後扈大臣均甲冑前引後扈豹尾班侍衛甲冑殿後如儀

御前大臣侍衛等均甲冑隨行其次黃龍大纛隨行上三旗侍衛親軍均甲冑按次隨行

駕御帳殿豹尾班侍衛按翼排列左右建設黃龍大纛三旗侍衛親軍按隊環衛

凡常朝三旗領侍衛內大臣內大臣散秩大臣侍衛除直宿出差外日於黎明會集於

太和門按翼坐班

凡朝會班次歲於十二月將應入坐次之一品大臣散秩大臣前鋒護軍統領暨外省來京將軍都統職名開列進

呈恭候

欽定

凡升除領侍衛內大臣員闕除奉

特旨補授外將滿洲都統內大臣散秩大臣前鋒護



軍統領暨各省滿洲將軍職名開列具奏恭候  
簡命○內大臣員闕以散秩大臣暨都統前鋒護軍  
統領各省滿洲將軍職名開列亦如之○散秩  
大臣多由

特恩補授或人員不敷於宗室鎮國輔國公鎮國輔  
國將軍宗室一等待衛暨公侯伯子男內簡選  
引

見或授散秩大臣或署散秩大臣恭候

欽定○世襲散秩大臣員闕移咨該旗將應襲人員  
開送引

見補授○鑾儀衛掌衛事內大臣員闕由府以領侍  
衛內大臣內大臣列名疏請補授○隨印辦理  
事務侍衛班領員闕於侍衛班領署班領什長  
內不論等級遴選引

見補授侍衛班領員闕於署班領什長內遴選署班  
領什長員闕於侍衛內遴選均引

見補授侍衛初選均授為三等侍衛藍翎侍衛歲以冬月推升一等侍衛員闕以二等侍衛引見升補二等三等侍衛員闕以次遞行引見升補至勲戚後裔內有

特旨初選即授為一二等侍衛者即坐補本旗員闕宗室侍衛不論鎮國輔國奉國奉恩將軍先選三等四等侍衛遇闕以次升補亦如之

上駟院侍衛每旗七人司轡司鞍侍衛無定員隸

上駟院其兼尚虞鷹鷄房鶻房狗房十五善射善  
騎射善射鵠善強弓善撲等處侍衛各有專管  
統在三旗額內無定員○漢一等侍衛以一甲  
一名武進士補授二等以一甲二名三名武進  
士補授三等於二甲內簡選藍翎侍衛於三甲  
內簡選○侍衛主事員闕於三旗侍衛筆帖式  
內遴選引

見補授移咨吏部注册照保題例按俸升轉筆帖式

員闕於貼寫筆帖式內按資開列咨吏部考試  
補用三年期滿如題留者候補本府主事移送  
吏部者調選貼寫筆帖式員闕於親軍內考試  
補用

凡習射三旗侍衛按期於該旗侍衛教場騎射  
二次步射六次領侍衛內大臣暨侍衛班領察  
驗遇閱軍器之年更番擐甲胄騎射○親軍按  
期習騎射於侍衛教場協理事務侍衛班領及

親軍校察驗

凡考察遇京察之年主事筆帖式由領侍衛內大臣甄別賢否冊送吏部都察院吏科京畿道考覈侍衛例不入兵部軍政有庸惰老疾者班領什長隨時呈領侍衛內大臣覈奏以別去留

欽定大清會典卷九十四

欽定四庫全書薈要卷八千三百二十四 吏部

欽定大清會典卷九十五

八旗都統

滿洲八旗旗各都統一人副都統二人掌宣布  
教養整詰戎兵以治旗人所屬叅領五人副叅

領五人掌頒都統副都統之政令以達於佐領

佐領

所治以三百人為率人戶滋生則增設

佐領蒙古漢軍旗同今以見數計之

鑲

黃旗八十五人正黃旗九十三人正白旗八十



六人正紅旗七十四人鑲白旗八十四人鑲紅  
旗八十六人正藍旗八十四人鑲藍旗八十七  
人驍騎校每佐領一人掌稽所治人戶田宅兵  
籍以時頒其職掌

蒙古八旗旗各都統一人副都統二人所屬叅  
領二人副叅領二人佐領鑲黃旗二十八人正  
黃旗二十四人正白旗二十九人正紅旗二十  
二人鑲白旗三十一人鑲紅旗三十二人正藍

旗三十人鑲藍旗二十五人驍騎校每佐領一

人

以上職掌與滿洲八旗同

漢軍八旗旗各都統一人副都統二人所屬叅  
領五人副叅領五人佐領鑲黃正黃正白三旗  
各四十人正紅旗二十八人鑲白旗三十人鑲  
紅旗二十九人正藍旗三十人鑲藍旗二十九  
人驍騎校每佐領一人

以上職掌均與滿洲八旗同

旗制

國家以神武開基

龍興之初建旗辨色用飭戎行厥後歸附既衆即  
按行軍旗色以定戶籍設官分職以養以教而  
兵寓其中始立四旗重為八旗合滿洲蒙古漢  
軍為二十四旗制度備焉及

定鼎燕京分田授宅辨方定位居則環衛周防出則  
折衝禦侮臂指之使磐石之固誠超越百代垂  
治萬年者矣

凡八旗序次曰鑲黃曰正黃曰正白為上三旗  
曰正紅曰鑲白曰鑲紅曰正藍曰鑲藍為下五  
旗行軍蒐狩以鑲黃正白鑲白正藍四旗居左  
為左翼正黃正紅鑲紅鑲藍四旗居右為右翼  
官職除授公差踐更以上下旗為辨朝祭班列  
旗籍界止以左右翼為辨

凡八旗方位左翼自北而東自東而南鑲黃旗  
在安定門內正白旗在東直門內鑲白旗在朝

陽門內正藍旗在崇文門內右翼自北而西自西而南正黃旗在德勝門內正紅旗在西直門內鑲紅旗在阜成門內鑲藍旗在宣武門內皆四周星共以環衛

### 宸居

凡八旗直班各有定所更番宿直

詳見則例

內城九

門安定德勝東直西直朝陽阜成崇文宣武八門各按軍士居止方位八旗滿洲蒙古漢軍分

直惟城門領安定門以正藍旗德勝門以鑲藍旗東直門以鑲白旗西直門以鑲紅旗朝陽門以正白旗阜城門以正紅旗崇文門以鑲黃旗宣武門以正黃旗

正陽門八旗輪直以滿洲蒙古九門外舊營房以滿洲蒙古新營房以滿洲蒙古漢軍外城七門鑲黃旗直東便門正黃旗直西便門正白旗直廣渠門正紅旗直廣寧門鑲白鑲藍二旗直左

安門鑲紅旗直右安門正藍旗直永定門均以  
漢軍○凡遇

皇帝恭謁

陵寢

行幸駐蹕及逢年節於城上設堆撥六處

巡幸口外及遠省設十有五處均以八旗滿洲蒙古  
漢軍官自叅領以下驍騎校以上一人至四人  
領催自一人至四人驍騎自二人至五十人分

班輪直晝夜巡宿以專責成

凡防禦火災每旗以都統或副都統一人叅領  
三人散秩官八人領催八人驍騎七十二人更  
番輪直遇旗界內及接壤之地有不戒於火者  
直班官兵會步軍統領即往撲救乘火攫物者  
逮治之

戶口

凡編審丁冊閱三年各旗都統飭所屬佐領驍



騎校領催稽新舊壯丁五尺以上及已食餉未  
及歲者咸登諸冊每戶書氏族官爵無職者曰  
閑散某備載其父兄子弟兄弟之子及戶下人  
舊冊之應開除者注名裁除編印冊二一貯旗  
一達戶部部彙疏以

聞

盛京將軍各省駐防將軍都統副都統等飭所屬  
編丁亦如之有以未成丁及非正身子弟冒不

冊以應入冊及不應開除之壯丁隱漏者皆論如律

凡分晰戶丁八旗氏族冊籍可稽及以軍功勞績奉

旨入冊者曰正戶至世系湮清年遠無考別載冊籍者撫養漢人為子者戶下家人本主念其勤勞願令開除出戶者皆聽其為民由本旗詢問願居何省何府州縣行文地方官收入民籍仍冊

送戶部存案設法贖身私入民籍事發作為開  
戶者或充內務府莊園壯丁或準其改入民籍  
由本旗詳察根源會戶部分晰請

旨

凡閩選秀女以三年為率屆期戶部移文八旗  
都統飭各佐領取具族長保結叅佐領詳覈申  
都統造冊咨送戶部請

旨閩選有故後期及未及歲者俟下次補閩各省駐

防協領等官暨文官同知以下武官游擊以下  
之女不送選有隱匿遺漏扶同徇縱及不待選  
私自聘嫁者論

凡改籍八旗漢軍本貫有廬墓田宅及他省有  
姻戚族黨可依或習藝操作自能食力者許改  
歸民籍移居外省內申都統外呈督撫均於年  
終達部彙奏從龍勲舊之子孫不與

凡撫養嗣子八旗官兵無子者許以兄弟之子

及遠近族人昭穆相當者入繼為後若本宗無人許撫正戶親屬之子為嗣均取族長叅佐領印甘各結詐稱無同宗湊立異姓及繼戶下人並漢人為子者論如律

凡旗人僮僕越旗買賣者禁滿洲蒙古家僮私鬻與漢軍漢人者禁旗人買旗僕由領催買漢人由司坊官及大宛二縣各覈真偽註冊驗以印票持文契赴兩翼輪稅吉林黑龍江等處官

兵有奉差來

京買僕攜回者如之駐防旗員不許於所治買民  
為僕兵丁之無家人者買不得過二名違者皆  
論如法

凡旗人逃失在

京者以五日二百里內以十日四百里內以十五  
日為限投遞逃牌開具姓名年貌日期移咨刑  
部通行順天府五城直隸總督八溝熱河副都

統

盛京等處將軍蒙古扎薩克等委官兵嚴緝解刑  
部詳鞫按律治罪失察之該管官及地方官並  
論

田宅

國初王公勲戚下逮禁旅以近畿曠土分為恒產  
承平歲久漸有遷移而隨時經理之道起焉所  
以通變經久垂利賴於萬年也

凡授田之法始給畿輔閑田除其賦稅永為世業厥後戶口繁滋

盛京東北及諸邊口外新闢之壤咸分授焉

凡經理旗產官軍移外駐防應退之田未徹者戶絕不報佃人乘機隱匿者冒首墾荒占為民業者均令八旗都統委所屬叅領會直省地方官勘丈清釐作為公產徵租解部分給八旗以贍貧乏○民典旗產動支公帑取贖以典後十



年為率十年內給原價十年外減原價十之一  
以次按年遞減至五十年外給半價均令退田  
還官旗下開戶人承典正戶田者照民典減價  
之法戶下人承典本主田者十年內減原價十  
之一十年外減十之二均以次按年遞減官為  
取贖令原業人交價領田無力交價許以俸餉  
分五年扣抵無原業人許其子孫及親伯叔兄  
弟兄弟之子承領如無力交價又無俸餉可抵

及原繫賣絕之田均入官作為公產歲計所入之租彙疏以

聞為八旗贍貧之用有私相典賣者追田價入官與受旗民及失察徇隱之該管各官咸論如法○開濬河道動用旗地令地方官大明界址畝數開具原業姓名旗色冊申戶部轉行各旗限半年覈明具結咨覆按數補償

凡授宅之法始定八旗界止方位授宅分居厥

後戶口繁滋視里街隙地及市廛廢業有願售者動支公帑買建官房給貧乏旗人棲止得房私售者論○調旗官兵準住原分旗界有願買宅遷居者聽願自築室者給以本旗官地索倫達虎里厄魯特等部落新附官兵移家來

京者按所分旗界動支公帑買屋授居無出售之屋行工部建築

凡承買入官房地交價領買者銀輸戶部庫即

咨該旗行兩翼給以印照以俸抵者分五限完  
日行兩翼給照皆免輸稅託名領買轉售圖利  
及拆毀者禁如房地原繫典契限一年內命原  
業領贖或以俸扣抵不願者聽

凡承追公帑外任虧空官行旗變產賠償者按  
限催交就近完納給予執照其銀由都統咨交  
戶部行知直省免其解送歸款變抵足數有餘  
產者給還祀田墳園守墳人口槩免入官私債

自理完公不準開欠抵追如家產盡絕該管佐  
領驍騎校叅領覈實申都統保題豁免不得濫  
及親族追賠豁免後有隱匿發覺者該管官皆  
論如法

欽定大清會典卷九十五

欽定四庫全書薈要卷八千三百二十五

史部

欽定大清會典卷九十六

八旗都統

兵制

凡八旗設兵之制滿洲蒙古旗每佐領下親軍  
二人上三旗隸領侍衛內大臣下五旗隸宗室  
王公前鋒二人隸前鋒統領護軍十有七人隸  
護軍統領步軍統領催二人步軍十有八人隸步

軍統領烏槍護軍三人烏槍驍騎四人礮驍騎

一人隸火器營

詳見各營典則

領催五人驍騎二十人

弓匠一人鐵匠或鞍匠一人各隸本旗都統○

口外八旗游牧察哈爾每佐領下親軍二人前

鋒二人護軍二十五人領催六人驍騎三十五

人每旗捕盜兵二十人各屬本旗總管管轄統

隸於八旗蒙古都統○

圓明園護軍營護軍三千八百人教養兵四百八

十人○健銳營前鋒軍千人委前鋒千人教養  
兵百人○漢軍旗每佐領下領催五人烏槍驍  
騎四十二人每旗藤牌軍百人於驍騎內選充  
各隸本旗都統步軍領催一人步軍十有二人  
隸步軍統領

凡教養兵八旗餘丁及孤子未成丁者給餉養  
贍教之藝業以備軍伍之選各旗佐領下多寡  
不齊於本叅領下均勻選取



凡守衛

陵寢

官員詳見官制

永陵

福陵

昭陵

昭西陵

孝陵

孝東陵

景陵

泰陵

孝賢皇后陵寢各總管所屬均驍騎八十人

景陵皇貴妃園寢

妃園寢

泰陵妃園寢勝水峪

妃園寢

端慧皇太子園寢各防禦所屬均驍騎四十人

凡

畿輔駐防

官員詳見官制後仿此

鄭家莊城守尉所屬八旗

滿洲蒙古兩旗合設一佐領每佐領下領催四人  
驍騎九十六人弓匠一人鐵匠一人漢軍左  
右翼各立一佐領每佐領下鳥槍領催四人鳥  
槍驍騎九十六人弓匠一人鐵匠一人共領催  
十有六人鳥槍領催八人驍騎三百八十四人  
鳥槍驍騎百九十二人匠役十有二人○昌平

州防守尉所屬正黃旗滿洲領催四人驍騎三十人蒙古領催一人驍騎十有二人良鄉縣防守尉所屬正紅旗滿洲蒙古寶坻縣防守尉所屬鑲白旗滿洲蒙古固安縣防守尉所屬鑲紅旗滿洲蒙古東安縣防守尉所屬鑲藍旗滿洲蒙古霸州防守尉所屬正黃正紅兩旗滿洲雄縣防守尉所屬鑲紅旗滿洲蒙古鑲藍旗滿洲蒙古均領催五人驍騎四十五人采育里防

守尉所屬正藍旗滿洲領催四人驍騎二十九人蒙古領催一人驍騎十有六人○保定府城守尉所屬正紅鑲紅兩旗滿洲蒙古領催四十人驍騎烏槍驍騎共四百六十人弓匠二人鐵匠二人○天津府水師營都統所屬八旗滿洲蒙古領催百二十八人前鋒百人驍騎二千七百三十二人礮軍四十人教養兵百九十二人戰船八號水手七十二人魚轄之滄州城守尉

所屬八旗滿洲蒙古領催三十一人驍騎四百  
八十人弓匠二人鐵匠二人○山海關副都統  
所屬八旗滿洲蒙古漢軍領催四十人前鋒四  
十人鳥槍驍騎二百人驍騎四百四十人礮軍  
八十人兼轄之永平府防守尉所屬鑲白正藍  
二旗滿洲蒙古三河縣防守尉所屬正白旗滿  
洲蒙古均領催十人驍騎九十人順義縣防守  
尉所屬鑲黃旗滿洲蒙古領催五人驍騎四十

五人玉田縣防守尉所屬鑲黃正白二旗滿洲  
領催八人驍騎六十人蒙古領催二人驍騎三  
十人冷口防守尉所屬正黃正藍二旗滿洲蒙  
古領催十有二人驍騎百三十八人喜峯口防  
守尉所屬八旗滿洲蒙古領催十有六人驍騎  
百八十四人羅文峪防禦所屬鑲白正藍二旗  
滿洲蒙古領催八人驍騎九十二人○張家口  
總管所屬八旗滿洲蒙古領催十有六人驍騎

二百八十四人○古北口防守尉所屬正黃正  
紅鑲白正藍四旗滿洲領催十有二人驍騎百  
八十八人○獨石口防守尉所屬八旗滿洲領  
催四人驍騎九十六人兼轄之千家店防禦所  
屬八旗滿洲領催四人驍騎三十六人○熱河  
副都統所屬八旗滿洲蒙古委前鋒校八人前  
鋒九十二人領催百人烏槍驍騎五百人驍騎  
千二百人礮手四十人弓匠箭匠鐵匠各二十



人

凡

盛京駐防

盛京將軍所屬八旗滿洲蒙古漢軍領催五百二十八人前鋒二百人驍騎四千九百三十四人弓匠六十六人守門軍八人庫軍二十四人守黃寺軍八人守

御花園軍八人步軍領催八十人步軍七百二十

人鐵匠六十六人箭匠六十三人夜捕手二十九人

盛京將軍統轄之

興京城守尉所屬八旗滿洲蒙古漢軍領催六十四人驍騎四百十有一人又鐵匠十人

興京城守尉兼轄之撫順防禦所屬席伯及左翼四旗漢軍領催十有六人驍騎百二十四人又鐵匠二人○開原城守尉所屬八旗滿洲領催

六十八人驍騎九百二十三人弓匠九人又鐵匠十人開原城守尉兼轄之鐵嶺防禦所屬席伯及右翼四旗漢軍領催十有六人驍騎百二十四人又鐵匠二人法庫邊門防禦所屬領催一人驍騎三十七人臺領催二人○遼陽州城守尉所屬八旗滿洲蒙古領催五十四人驍騎六百有二人又鐵匠九人○廣寧縣協領所屬八旗滿洲蒙古漢軍領催四十八人驍騎四百

五十二人弓匠五人又鐵匠六人廣寧協領兼

轄之巨流河白旗堡小黑山間陽驛各佐領所

屬滿洲漢軍均領催十有六人驍騎百二十四

人又鐵匠二人彰武臺邊門防禦所屬滿洲漢

軍領催一人驍騎三十九人○牛莊協領所屬

滿洲漢軍領催四十人驍騎三百六十人又鐵

匠二人○鳳凰城城守尉所屬滿洲蒙古漢軍

領催六十二人驍騎六百三十五人弓匠八人

又鐵匠十二人○錦州府副都統所屬八旗滿洲領催百有四人驍騎八百八十八人弓匠八人又鐵匠十有三人錦州府兼轄之義州城守尉所屬八旗滿洲蒙古漢軍領催百二十四人驍騎千一百五十八人弓匠十有八人又鐵匠二十人寧遠州小陵河中前所中後所佐領所屬席伯漢軍領催均十有六人驍騎均百二十二人弓匠二人又鐵匠二人松嶺邊門新臺邊

門兩防禦所屬均領催一人驍騎三十九人臺  
領催二人白石觜邊門防禦所屬領催一人驍  
騎三十九人臺領催一人梨樹溝邊門明水塘  
邊門兩防禦所屬均領催一人驍騎二十九人  
臺領催一人義州城守尉兼轄之清河邊門防  
禦所屬領催一人驍騎三十九人臺領催一人  
白土廠邊門防禦所屬領催一人驍騎二十九  
人臺領催一人九關臺邊門防禦所屬領催一

人驍騎三十九人臺領催二人○熊岳副都統  
所屬八旗滿洲蒙古領催七十八人驍騎九百  
十有八人弓匠九人又鐵匠十一人熊岳副都  
統兼轄之復州城守尉所屬八旗滿洲蒙古領  
催六十二人驍騎六百二十五人弓匠九人又  
鐵匠十一人金州協領所屬八旗滿洲蒙古漢  
軍領催七十四人驍騎七百五十七人弓匠九  
人又鐵匠九人水師營漢軍領催二十六人水

師五百七十四人水手百人岫巖城守尉所屬  
八旗滿洲蒙古領催五十四人驍騎五百四十  
一人弓匠九人又鐵匠十三人蓋州協領所屬  
八旗滿洲蒙古漢軍領催四十人驍騎三百五  
十八人弓匠二人又鐵匠二人○威寧堡邊門  
領催九人驍騎四十一人英額邊門領催八人  
驍騎四十二人

興京邊門領催九人驍騎四十一人鰲廠靉陽二



邊門各領催四人驍騎四十六人鳳凰城邊門  
領催五人驍騎四十五人以為防禦

凡吉林駐防吉林將軍所屬八旗滿洲二千五  
百七十人漢軍百二十人巴爾虎三百五十人  
席伯六十人內前鋒八十人領催二百八十八  
人驍騎二千七百三十二人又漢軍烏槍領催  
四十八人烏槍驍騎九百五十二人水師營運  
糧船三十號漿船二十號水手二百五十八人

修船匠四十五人江上捕魚處滿州領催六十

人捕魚兵九百四十人○吉林將軍統轄之寧

古塔副都統所屬八旗滿洲前鋒四十人領催

六十人驍騎九百人○白都訥副都統所屬八

旗滿洲三百人蒙古百人瓜爾察六百人內前

鋒四十人領催七十二人驍騎八百八十八人

○三姓地方副都統所屬八旗滿洲前鋒四十

人領催百二十人驍騎千三百六十人○渾春

協領所屬八旗滿洲領催十有八人驍騎二百

三十二人○拉林副都統所屬原設八旗滿洲

領催四十八人驍騎四百六十四人後增設千

三百人又增設三千人

自乾隆二十一年至辛巳年分六年由京師

發往見末發齊

○伊屯佐領所屬八旗滿洲領催十有

二人驍騎百八十八人○鄂默黑索羅佐領所

屬八旗滿洲領催六人驍騎一百十有四人○

伊屯邊門鑲黃正白二旗赫爾索邊門正黃正

紅二旗巴顏俄佛羅邊門鑲白正藍二旗布爾  
圖庫蘇巴爾漢邊門鑲紅鑲藍二旗各滿洲領  
催一人驍騎十有九人

凡黑龍江駐防齊齊哈爾將軍所屬八旗滿洲  
九百六十人索倫達虎里九百六十人巴爾虎  
二百四十人漢軍二百五十二人內前鋒八十  
人領催二百四十人驍騎二千四十人驛站哨  
兵五十三人水師營領催七人水手二百六十

八人吉林伐木領催八人水手三百人官屯領  
催二人○齊齊哈爾將軍統轄之黑龍江副都  
統所屬八旗滿洲九百六十人索倫達虎里四  
百八十人漢軍百人內前鋒四十人領催百五  
十六人驍騎千三百四十四人水師營領催八  
人水手四百十有九人官屯領催三人○默爾  
根副都統所屬八旗索倫達虎里九百人漢軍  
百人內前鋒四十人領催百有二人驍騎八百

五十八人水師營領催一人水手四十三人官  
屯領催一人○呼倫布俞爾總管所屬八旗索  
倫達虎里九百六十人巴爾虎九百六十人厄  
魯特八十人內領催二百人驍騎千八百人○  
湖蘭城守尉所屬八旗滿洲領催四十五人驍  
騎四百五十五人運糧船領催四人水手四十  
人官屯領催一人

凡直省駐防山東青州府將軍所屬八旗滿洲

蒙古委前鋒校十有六人前鋒百八十四人鳥  
槍領催四十八人鳥槍驍騎七百五十二人礮  
領催八人礮驍騎八十人領催四十人驍騎八  
百七十二人步軍四百人弓匠鐵匠十有六人  
○德州城守尉所屬鑲黃正黃兩旗滿洲蒙古  
領催三十四人驍騎二百六十六人鳥槍驍騎  
二百人弓匠二人鐵匠二人

河南開封府城守尉所屬八旗滿洲蒙古鳥槍

領催十有五人鳥槍驍騎二百八十五人領催  
二十五人驍騎四百七十五人弓匠十人鐵匠  
十人

江南江寧府將軍所屬八旗滿洲蒙古委前鋒  
校十有六人前鋒百八十四人鳥槍領催五十  
六人鳥槍驍騎七百四十四人礮驍騎九十人  
領催二百八十人驍騎二千七百二十人步軍  
八百人弓匠箭匠鐵匠各五十六人教養兵九



百人○江寧將軍統轄之京口副都統所屬八旗漢軍領催四百有二人驍騎千五百九十八人礮手七十二人步軍千人弓匠鐵匠各八人銅匠二人

福建福州府將軍所屬八旗滿洲委前鋒校十六人前鋒百八十四人領催百六十人驍騎千二百人步軍四百人弓匠鐵匠共四十人○水師營左翼四旗漢軍領催三十人鳥槍二百四

十人弓箭七十人礮四十人大刀四十人挑刀  
四十人藤牌九十人修船匠八人外郎二人水  
手四十二人

浙江杭州府將軍所屬八旗滿洲蒙古委前鋒  
校十有六人前鋒百八十四人鳥槍領催十有  
六人鳥槍驍騎百八十四人領催百六十人驍  
騎千有四十人步軍四百五十人弓匠箭匠鐵  
匠各三十二人四旗漢軍鳥槍領催百人鳥槍

驍騎七百人領催百人驍騎七百人礮手十六人步軍二百五十人鐵匠三十七人○杭州將軍統轄之乍浦副都統所屬左右營八旗滿洲領催七十二人驍騎千一百二十八人蒙古領催二十四人驍騎三百七十六人弓匠箭匠鐵匠各十有六人

湖廣荊州府將軍所屬八旗滿洲蒙古前鋒二百人鳥槍領催百十有二人鳥槍驍騎千七百

八十八人領催二百二十四人驍騎千六百七十六人礮手八十人教養兵四百人步軍七百人弓匠箭匠鐵匠各五十六人

山西綏遠城將軍所屬八旗滿洲蒙古漢軍委前鋒校十有六人前鋒百八十四人領催百二十八人驍騎二千八百七十二人箭匠鐵匠各二十八人○綏遠城將軍統轄之右衛副都統所屬八旗滿洲蒙古漢軍前鋒八十人領催二

百有八人驍騎三千二百十有六人箭匠鐵匠各四十人。○太原府城守尉所屬正藍鑲藍兩旗滿洲蒙古領催四十人驍騎四百六十人教養兵四十人弓匠鐵匠各二人

陝西西安府將軍所屬八旗滿洲委前鋒校二十四人前鋒二百七十六人領催二百十有六人驍騎三千七十七人礮手八十二人步軍五百有六人教養兵七百二十人弓匠箭匠鐵匠各

四十人蒙古委前鋒校八人前鋒九十二人領  
催八十八人驍騎千二百二十六人礮手三十  
二人步軍百九十四人教養兵二百八十人弓  
匠箭匠鐵匠各十有六人漢軍領催二百人驍  
騎千八百人礮手四十六人步軍三百人弓匠  
八人

寧夏府將軍所屬八旗滿洲蒙古委鳥槍前鋒  
校十有六人鳥槍前鋒百八十四人鳥槍領催

四十八人鳥槍驍騎千三百五十有二人礮領  
催六人礮驍騎百六十有二人領催七十二人  
驍騎三百五十八人鳥槍步軍四百人步軍二  
百人教養兵六百人弓匠箭匠鐵匠各二十四  
人

涼州府將軍所屬八旗滿洲蒙古漢軍委前鋒  
校十有六人前鋒百八十四人鳥槍領催五十  
二人鳥槍驍騎八百四十八人領催五十二人

驍騎八百四十八人礮手五十二人步軍六百  
人弓匠箭匠鐵匠各二十四人○涼州將軍統  
轄之莊浪副都統所屬八旗滿洲蒙古漢軍委  
前鋒校八人前鋒九十二人鳥槍領催二十六  
人鳥槍驍騎四百二十四人領催二十六人驍  
騎四百二十四人礮手二十八人步軍四百人  
弓匠箭匠鐵匠各十有二人

四川成都府副都統所屬八旗滿洲蒙古委前



鋒校八人前鋒百五十二人領催百四十四人  
驍騎千二百九十六人礮手四十八人步軍四  
百人弓匠箭匠鐵匠各三十二人

廣東廣州府將軍所屬八旗滿洲領催百六十  
人驍騎千三百四十人漢軍領催百六十人驍  
騎千三百四十人礮手三十人弓匠鐵匠二十  
六人○水師營八旗漢軍領催三十人水師四  
百七十人修船匠十有二人教習綠旗兵百人

內正工五十人遇闕仍選綠旗兵充補副工五十人遇闕以八旗壯丁選補

凡拔補兵丁親軍前鋒鳥槍護軍於護軍驍騎步軍教養兵壯丁內簡拔驍騎於步軍教養兵壯丁內簡拔棉甲軍於教養兵壯丁內簡拔步軍礮手於壯丁內簡拔弓匠於驍騎內選充鐵匠於壯丁內選充領催於護軍驍騎內簡拔均由叅領

佐領擇取應補之人呈都統統領副都統覈定  
凡八旗軍實每旗都統龍燄一每佐領燄一每  
領催小旗一都統以下驍騎校以上各甲一胄  
一弓二橐韉一佩刀一都統矢四百副都統三  
百五十叅領二百五十佐領二百驍騎校百驍  
騎弓一矢五十二人合長槍一餘同海螺每叅  
領下各二每佐領下各一漢軍每佐領下鹿角  
一連韃棍四藤牌兵每人藤牌刷刀各一每旗

海螺五每旗鳥槍營礮營各鼓一金五鑲黃旗  
漢軍礮局貯礮六十有九正黃旗七十有九正  
白旗六十有九正紅旗七十有四鑲白旗六十  
有三鑲紅旗六十有八正藍旗六十有五鑲藍  
旗七十有二

凡八旗馬駝滿洲蒙古佐領下各牧馬二十三  
或二十四匹駝二匹每旗

簡都統或副都統一人專掌牧政佐以叅領驍騎校

等官歲以孟夏上旬視馬駝之肥瘠計差務之繁簡酌留應用外其餘悉出牧場以就青草每營以副都統一人總理官校佐之擇護軍驍騎勤慎者充芻牧之役約百五十日仍還

京歸原牧遇有斃損準其變價並豫支馬乾銀買補呈驗烙印至官軍扈從行圍所需官馬駝責令謹於飼秣不得以疲乏者繳還及交價抵銷  
欽定大清會典卷九十六



總校官候補中書臣吳紹潔  
校對官編修臣莫瞻錄  
謄錄監生臣王宮

欽定四庫全書薈要

史部

欽定大清會典卷

九十七至  
一百

詳校官編修臣繆晉



欽定四庫全書薈要卷八千三百二十六 史部

欽定大清會典卷九十七

八旗都統

訓練

凡

大閱

皇帝躬擐甲冑御橐鞬

巡閱軍營登臺視操

詳見兵部

八旗將領簡精銳飭器械集



教場結陣肅聽軍令陣法前列漢軍火器營左翼  
四旗以次而東西上右翼四旗以次而西東上每  
旗鹿角二十昇鹿角棉甲兵八十人引繩棉甲兵  
四人長槍二十連韃棍二十鹿角兩旁礮營神威  
將軍礮十護礮鳥槍百藤牌百礮手三十人御礮  
車驍騎百有十人鳥槍驍騎百人藤牌兵百人叅  
領礮十執礮驍騎三十人隨礮小旗二十負旗領  
催二十人紅旗二麾旗領催二人金五鼓一鳴金

驍騎十人舁鼓棉甲兵四人擊鼓驍騎二人海螺

五鳴螺驍騎五人每旗叅領三人散秩官十人驍

騎校十人每旗鳥槍二百二十鳥槍領催二十人

驍騎二百人大肅一執肅領催一人驍騎三人隨

肅散秩官一人領催二人驍騎二十人叅領肅五

執肅驍騎十五人紅旗二麾旗領催二人小旗二

十二金五鼓一鳴金驍騎十人舁鼓棉甲兵四人

擊鼓驍騎二人海螺十有三鳴螺驍騎十三人每

翼都統二人每旗副都統一人叅領二人散秩官  
五人給使官二人驍騎校七人共八旗漢軍火器  
營都統四人副都統八人官校三百二十人礮手  
二百四十人隨礮領催驍騎二千二百三十二人  
藤牌兵八百人鳥槍領催驍騎二千三百四人昇  
鹿角昇鼓引繩棉甲兵七百三十六人通計兵六  
千三百十二人鹿角百六十長槍百六十連勒棍  
百六十神威將軍礮八十鳥槍二千五百六十藤

牌八百大纛八叅領纛百二十紅旗三十二小旗

三百三十六鼓十有六金八十海螺百四十四火

器營左翼四旗在漢軍左翼之左右翼四旗在漢

軍右翼之右鳥槍護軍營鳥槍百二十護軍百二

十人總統五人每旗纛二執纛護軍四人紅旗一

麾旗護軍二人小旗十二員旗鳥槍什長十二人

海螺十鳴螺護軍十人護軍叅領二人護軍校十

四人驍騎營子母礮六每礮小旗一員旗隨礮領

催一人驍騎九人肅縣一執肅驍騎二人叅領一人  
散秩官五人驍騎校五人鳥槍驍騎營鳥槍百二  
十驍騎百二十人肅縣二執肅驍騎四人紅旗一麾  
旗驍騎二人小旗十有二負旗領催十二人海螺  
十鳴螺驍騎十人叅領二人散秩官七人驍騎校  
十四人共八旗火器營總統五人官校四百人鳥  
槍什長九十六人鳥槍護軍九百六十人鳥槍領  
催九十六人鳥槍驍騎九百六十人礮營領催驍

騎四百八十人執旗鳴螺護軍領催驍騎二百七

十二人通計兵二千八百六十四人鳥槍千九百

二十子母礮四十八礮四十紅旗十有六小旗二

百四十海螺百六十頭隊前鋒營每翼前鋒統領

一人每旗前鋒叅領一人前鋒侍衛一人前鋒校

八人

於前鋒  
內委用

每佐領下前鋒一人每前鋒二人用

鳥槍前鋒一人小旗八海螺四護軍營每翼護軍

統領一人每旗護軍叅領五人每佐領下護軍二

人每旗護軍統領肅一八旗海螺共五十四每護  
軍四人用小旗一驍騎營每翼都統二人每旗副  
都統一人叅領二人每叅領下散秩官二人驍騎  
校二人每佐領下領催驍騎二人每旗叅領肅七  
海螺七每驍騎四人用小旗一共頭隊將領十六  
人官校二百九十六人兵四千四百十人

兵額各按佐領

分撥後

肅六十四小旗六十四海螺百四十二此

撥此  
內撥出前鋒營前鋒統領一人前鋒叅領二人前鋒

侍衛二人前鋒二百人護軍營護軍統領一人護

軍叅領八人護軍四百人驍騎營副都統二人叅

領八人散秩官十六人驍騎校十六人驍騎三百

二十人再於火器營內撥出鳥槍護軍叅領四人

鳥槍護軍百六十人鳥槍驍騎叅領二人鳥槍散

秩官四人鳥槍驍騎百六十人共將領四人官六

十二人兵千二百四十人於退兵時殿後次隊護

軍營每翼護軍統領一人每旗護軍叅領三人每



佐領下護軍三人每旗護軍統領壽縣一八旗海螺  
共四十八每護軍六人用小旗一驍騎營每翼都  
統一人副都統一人每旗驍騎叅領一人每叅領  
下散秩官一人驍騎校一人每佐領下驍騎一人  
每旗叅領壽縣四海螺四每驍騎四人用小旗一共  
將領八人官校百四十四人兵三千五百二十八  
人壽縣四十海螺八十左右兩翼應援兵護軍營每  
翼護軍統領一人每旗護軍叅領二人每佐領下

護軍一人每旗護軍統領纛一每護軍四人用小旗一驍騎營每翼都統一人副都統二人每旗驍騎叅領一人每叅領下散秩官一人驍騎校一人每佐領下驍騎一人每旗叅領纛三海螺三每驍騎四人用小旗一共左右兩翼應援兵隊將領八人官校百三十六人兵千七百六十四人纛三十海螺二十四鑾儀衛蒙古畫角十官七人鳴角軍二十一人五旗諸王蒙古畫角十官十人鳴角

軍二十人海螺十有二鳴螺親軍十二人共蒙古  
畫角二十官十有七人鳴角鳴螺軍五十三人禁  
約喧譁每旗護軍叅領一人護軍校一人護軍四  
十人滿洲蒙古漢軍三旗合委散秩官八人驍騎  
校八人驍騎三百二十人共官三十二人兵六百四  
十人滿洲蒙古漢軍三旗合委傳宣官八人驍騎  
校八人護軍校八人共二十四人以上八旗各營  
將領四十九人官校千三百六十九人兵萬九千

五百七十一人陣後共設三十四營左翼漢軍四旗四營火器營四旗四營前鋒四旗一營四旗護軍與驍騎相間立八營右翼漢軍四旗四營火器營四旗四營前鋒四旗一營四旗護軍與驍騎相間立八營每營廣二十四丈長四十丈各營相距各一丈共三十二丈自立營處至次隊相距七十五丈次隊護軍驍騎列陣每旗廣一百十有一丈共廣八百八十八丈自次隊至頭隊相距十有五

丈頭隊護軍驍騎列陣每旗廣一百十有一丈共  
廣八百八十八丈頭隊左右應援兵列陣每旗廣  
五十五丈五尺共廣四百四十四丈合計頭隊護  
軍驍騎兩翼護軍驍騎列陣共廣千三百三十二  
丈頭隊之前前鋒列陣每旗廣十有二丈共廣九十  
六丈自頭隊至鹿角相距二十五丈漢軍鹿角火  
礮鳥槍列陣廣三百三十八丈火器營鳥槍護軍  
驍騎列陣每旗廣三十七丈共廣二百九十六丈

合漢軍鹿角火礮鳥槍火器營兵列陣共廣六百  
三十四丈自鹿角至初次進步相去二十丈自初  
次進步七丈五尺以至九進共六十七丈五尺頭  
隊兵出鹿角外列陣去鹿角十有五丈呼噪前進  
五十步駐立去鹿角外列陣處二十五丈殿軍殿後  
處去前進駐立處十有五丈前離八旗號轟縣五丈八  
旗號轟縣與

閱武臺相距百五十丈自立營處至

閱武臺相去四百十有二丈五尺

大閱陣法及將士甲兵槍礮旗纛金鼓畫角鳴螺鹿角之數均以是為定制

凡操兵八旗官軍歲以春月分操於本旗教場二次合操於鑲黃正黃二旗教場一次秋月豫奏操期會八旗諸營大操於仰善窪二次其大操隊伍號令及官軍旗纛器械之數均如

大閱之制○漢軍旗藤牌軍每歲春秋二季均四旗合

操二次八旗合操一次遇

大閱及八旗諸營大操之時仍守護大破入陣演習○  
八旗鳴螺歲以春二月十五日至三月一日秋七  
月十五日至八月一日晨集軍士吹演兵部委官  
稽察

凡演試火器漢軍歲以春二月十六日秋八月十  
六日為始各演鳥槍四十五日本翼四旗仍合操  
二次春秋各演標準三次歲由兵部奏演神威將



軍等礮鑲黃旗漢軍都統會八旗列名奏請

簡命都統副都統各二人監視先期運礮至蘆溝橋樹  
的以百弓為率自九月一日始每礮日演十出至  
一月止鳥槍營及礮營每三歲一合操其金鼓號  
令均如

大閱之制

凡校射八旗驍騎營以每月上旬四八日中下旬  
三八日為校射之期都統以下各官親往閱視若

遇奏事及會議之日畱副都統一人往閱春秋擲  
甲胄步射二次由本旗定期移文兵部馬射由兵  
部定期通行八旗均遣官稽察叅校一二次失操  
者記過三次叅處軍士一二次失操者鞭責三次  
責革都統副都統不親詣教場或徇庇官軍者察  
出并論先期以閱射官銜名冊送稽察御史臨期  
視操有不遵定例者叅劾

凡練習步獵歲以初冬依行圍之法步獵二次或

三次直年都統等會八旗定期具奏各旗都統副都統簡校選兵率往郊野親視操演

授官

凡授官拔擢論才品推升計資俸保舉視政績記名即升與卓異應升分先後以定正陪繫本旗及兩旗公補之官由本旗及兩旗都統繫八旗公補之官由直年都統均引

見候

旨補授六品以下注冊五品以上咨兵部彙疏以

聞○八旗都統副都統駐防將軍都統副都統均由兵

部疏請補授

詳見兵部

○滿洲叅領由本旗都統列副叅

領五人並移宗人府領侍衛府簡選宗室侍衛鎮  
國將軍以下奉國將軍以上咨送列名蒙古漢軍  
叅領列副叅領五人均引

見補授○副叅領於印房理事之佐領世爵及應升各  
各官內選擬正陪引

見補授○世襲佐領三等

國初各部落長率其屬來歸授之佐領以統其衆爰及苗裔者曰勲舊佐領繫適長房承襲者員闕以其子孫擬正以支庶曾管此佐領之子孫擬陪如承襲人無嗣及以罪廢子孫例不得襲仍於適長房分出之支簡選擬正繫支庶承襲者員闕亦以其子孫擬正以適長房之子孫擬陪如承襲人無嗣及以罪廢子孫例不得襲於適長房無佐領之

支簡選擬正於通族內簡選擬陪及列名備用奉  
旨分給各支者按支分襲奏明衆支均與者每支選擬  
一人不分正陪適長房之子孫願讓與支庶子孫  
承襲者繫曾管此佐領人子孫方準義讓始授佐  
領人無嗣未經立後有親兄弟暨伯叔之子孫者  
不論曾否管此佐領均得與正陪之選若伯叔祖  
雖曾管此佐領其子孫均不得與承襲人無嗣繼  
族子為後者得與正陪之選繼異姓為後不得與

一支有兩三佐領者以未管佐領人子孫擬正已襲佐領人子孫擬陪兩支各管一佐領者以承襲本支佐領人子孫擬正別支擬陪兩支族人列名擬備○攜挈族里倡義歸誠或功在旂常得

賜戶口爰立佐領奕葉相承者曰世管佐領繫始授佐領人子孫承襲者員闕以其子孫擬正以別支曾管此佐領人子孫擬陪繫始授佐領人伯叔兄弟之子孫承襲者員闕仍以始授佐領人子孫擬正

以其伯叔兄弟之子孫擬陪族人均列名擬備始  
授佐領人無嗣未經立後以兄弟之子孫承襲無  
兄弟子孫次及伯叔之子孫無伯叔子孫次及近  
族不論曾否管此佐領均得擬正擬陪若兄弟之  
子孫未襲以伯叔之子孫承襲者員闕以兄弟之  
子孫擬正其伯叔之子孫與選正陪伯叔祖曾伯  
叔祖曾管此佐領者其子孫但準擬陪高祖以上  
及於遠族曾管此佐領者其子孫但準列名均不



得擬正始授佐領人子孫願讓與伯叔兄弟子孫  
及遠族承襲者不論曾否管此佐領均準義讓因  
本支已有佐領於別支有分之佐領不願與選者  
聽至一族編成之佐領以承襲人子孫擬正於通  
族簡選擬陪及列名擬備○戶少丁稀合編佐領  
兩姓三姓迭為是官者曰互管佐領員闕以未管  
佐管人子孫擬正已管佐領人子孫擬陪餘與勳  
舊佐領同皆由都統等造具譜牒分系列名名下

注應襲所由進

呈

御覽引

見補授

盛京八旗及游牧察哈爾世襲佐領同○公中佐領  
以本旗不兼部務之世爵及一品以下五品以上  
文武官內簡選○滿洲蒙古驍騎校於本佐領下  
護軍領催內選二人擬正陪引

見漢軍驍騎校於本佐領下領催內選擬正陪領催不  
得人於出征効力年久之驍騎內選擬如本佐領  
下不得其人於本旗內選擬均由本旗都統等引  
見補授○信礮總管於八旗輕車都尉騎都尉信礮官  
內簡選由直年都統等引

見補授監守信礮官於騎都尉雲騎尉護軍校驍騎校  
及六七八品官內選擬正陪城門吏於前鋒護軍  
領催驍騎內選擬正陪均由本旗都統引

見補授○犧牲所牧於八旗騎都尉雲騎尉內選擬守  
護

陵寢總管由旗調取本處翼領一人翼領調取本處防禦  
一人均由值年都統等引

見補授翼領距京路遠者列名以請或在外無應列名  
之人於在京應升人內簡選防禦由總管於本處  
應升驍騎校及由前鋒護軍選補之贊禮郎內簡  
選一人擬正送京其原官効力已逾數世者子弟

亦準與選本旗都統等於親軍前鋒護軍驍騎諸校及七八品官內選一人擬陪驍騎校由總管於本翼驍騎內選擬正陪送京均由本旗都統引

見補授○直省駐防協領由將軍等於本翼叅佐領內遴選山海關協領由副都統於所屬之永平等處防守尉並本處佐領內遴選城守尉由將軍等於本處佐領世爵內遴選叅領佐領於本翼防禦內遴選防禦於本翼驍騎校內遴選均咨送來京驍

騎校遠省於記名一二等之領催及恩騎尉內選  
補近省於領催驍騎內遴選送京均由本旗都統  
引

見補授其在外無應送之人令該旗都統於應升人內  
遴選引

見補授德州城守尉應兩黃旗公補滄州城守尉應兩  
白旗公補保定府城守尉應兩紅旗公補太原城  
守尉應兩藍旗公補由兩旗都統於所屬叅領侍

衛內遴選鄭家莊河南開封府城守尉應八旗公  
補由直年都統等於八旗叅領侍衛內遴選防守  
尉由本旗都統於前鋒侍衛護軍驍騎副叅領佐  
領二等三等待衛內遴選均引

見補授○游牧總管由本旗蒙古都統會理藩院於本  
翼一等侍衛前鋒護軍驍騎各叅領各部院蒙古  
郎中內簡選四人副管由總管於本處子男輕車  
都尉叅領騎都尉內選一人送京游牧捕盜官於

前鋒護軍領催內遴選送京均由本旗都統引

見補授○黑龍江寧古塔四五六品管水手官由將軍  
於水手官領催驍騎內以次選擬正陪送京八旗  
直年都統等引

見補授○王府長史貝勒司儀長由本旗都統於下五  
旗前鋒護軍驍騎各叅領佐領散騎郎一二等護  
衛子男輕車都尉騎都尉內每旗選二人送兵部  
會領侍衛內大臣該王貝勒定擬護衛以下由王



公等選擬均會兵部引

見補授府屬叅領佐領均由本旗都統於本屬下護衛

內選擬正陪引

見補授

凡兼攝職事各旗隨印協理事務叅領以本旗驍  
騎叅領兼攝印房理事官以本旗世爵及佐領驍  
騎校兼攝均由都統選擬正陪引

見簡委筆帖式於本旗護軍統領催驍騎內簡選外郎咨

取漢軍官學生均送吏部考補○管轄舊營房於滿洲蒙古世爵內擬正陪管轄新營房以每旗叅領世爵選擬正陪均由都統引

見簡委驍騎校由都統等簡委○八旗俸餉房馬冊房理事官由都統以本旗叅佐領驍騎校簡委兼攝凡文武官改補旗員授綠旗營將并五年任滿不宜營務者由督提咨送兵部交旗改補八旗武職副將以步軍翼尉城守尉協領用游擊以前鋒護

軍驍騎各叅領用都司以前鋒侍衛副叅領步軍  
協尉佐領防守尉用守備以步軍尉防禦用○文  
職改補者給事中御史道府以副叅領佐領城門  
領用員外郎同知知州以步軍尉監守信礮官用  
主事通判知縣以驍騎校用小京官府州縣首領  
筆帖式以城門吏用均試職一年擬補

凡降補一品官降一級調用由兵部列名請

旨降二級以下二品至五品官降一級以下各照所降

之級按品擬補於正升人後列名請

旨一二品官應降補六品者令在旗効力三年無過進  
一級擬補三品官降四級四品官降三級五品官  
降二級調用均以城門吏擬補無官可補者罷職

### 襲爵

凡列爵五等曰公曰侯曰伯曰子曰男其次三等  
曰輕車都尉曰騎都尉曰雲騎尉自輕車都尉以  
上又各分三等為等二十有六以酬勲庸以推

恩澤

凡授爵自雲騎尉始積功至兩雲騎尉為騎都尉  
積三為騎都尉兼一雲騎尉積四為三等輕車都  
尉積五為二等輕車都尉積六為一等輕車都尉  
積七為一等輕車都尉兼一雲騎尉以上視此遞  
積累加計二十六雲騎尉至一等公

凡襲次

開創之初不分爵秩大小或世襲罔替或定以世次

皆以原奉

誥勅為據海宇混壹之後雲騎尉襲一世騎都尉襲二  
世騎都尉兼一雲騎尉襲三世三等輕車都尉襲  
四世二等輕車都尉襲五世一等輕車都尉襲六  
世一等輕車都尉兼一雲騎尉襲七世三等男襲  
八世二等男襲九世一等男襲十世一等男兼一  
雲騎尉襲十一世三等子襲十二世二等子襲十  
三世一等子襲十四世一等子兼一雲騎尉襲十

五世越十五世者世襲罔替

凡承襲必以受爵人子孫無子孫次及兄弟之子  
孫無兄弟之子孫次及伯叔之子孫無伯叔之子  
孫次擇近族一人承襲爵繫適長承襲者員闕  
以其子孫擬正支庶之子孫擬陪而承襲人無嗣  
及以罪廢子孫例不得襲仍於適長分出之支簡  
選擬正繫支庶承襲者員闕亦以其子孫擬正適  
長之子孫擬陪如承襲人無嗣及以罪廢子孫例

不得襲即以適長之子孫擬正於通族簡選擬陪  
及列名備用適長之子孫願讓與支庶子孫承襲  
者聽其義讓○受爵人子孫未襲以兄弟之子孫  
承襲者員闕以受爵人子孫承襲兄弟之子孫止  
於譜內注承襲次數受爵人無嗣有兄弟之子孫  
未襲以伯叔之子孫承襲者員闕以兄弟之子孫  
承襲伯叔之子孫止於譜內注承襲次數均不得  
與正陪之選繼本族子孫為後者與選正陪繼異



姓為後者不得與○一人前後受封合為一爵者  
其子孫仍令合襲一人兼襲數爵合為一爵者其  
子孫準與分襲兩爵并受一人經長次兩房子孫  
承襲尚有別房子孫者員闕以承襲人子孫擬正  
未襲之子孫擬陪一支承襲兩爵者以未襲之子  
孫擬正擬陪受封人因有衆子奏明均許與選者  
每支簡選一人不分正陪各按宗系造具譜牒分  
支列名名下注應襲所由進

呈

御覽引

見子襲

凡推

恩續封

誥勅內載有承襲世次及襲數在十五世以下者載稽  
始封繫由陣亡授爵竢世次已盡續封恩騎尉俾  
世襲罔替

凡承襲譜牒各抄錄二本一鈐本旗都統印送內閣收貯一鈐叅佐領關防圖記送本旗公署存貯有應增入者歲終纂輯積十年再鈔錄一本送內閣

凡察覈世次

誥勅內世襲罔替及載明襲次者順治八年

恩詔未加爵及加爵注銷餘應準襲者

詔後未立功及初立軍功得爵者均由本旗奏請承襲

得

旨後以

誥勅送吏部增注承襲人名若

誥勅內有應注銷者送部覈定然後請襲

教養

凡旗學八旗各設官學以教官軍子弟之穎秀者

國子監掌之各設義學以教貧不能延師者禮部

掌之

詳見禮部  
國子監

本旗月委叅領會禮部司官稽察

○兩翼各設世爵官學

簡滿洲大臣十人分蒞其事各委叅領二人更番稽察  
世爵十八歲以下十歲以上均令入學習國語騎  
射三年期滿疏

簡王大臣考試一等者引

見錄用二等按品補用旗員三等畱學更閱三年再試  
無成除爵別襲教習國語於滿洲散秩官筆帖式  
及因公呈誤之廢官教習騎射於滿洲護軍校前

鋒護軍內每翼選補四人期滿議叙不善教者罰  
斥有差滿洲蒙古每叅領下漢軍每旗各設學舍  
一十二歲以上子弟滿洲漢軍令習清文國語蒙  
古兼習蒙古語其教習滿洲蒙古於前鋒護軍領  
催驍騎漢軍於滿洲散秩官筆帖式及因公呈誤  
之廢官內各由該都統擇通繙譯者二人充補別  
委一二人教以騎射都統叅領等隨時稽察課程  
期滿分別等差請

旨叙錄

凡錄送考試八旗滿洲蒙古漢軍童生遇歲科試  
各由本旗佐領取本旗廩生保結俾無濶冒申都  
統定期行咨翰詹衙門滿官一人會叅佐領考錄  
錄畢呈都統送禮部咨兵部請

簡大臣校試騎射合式乃準入場臨試該叅領等仍偕  
至識別○諸生屆歲科試由都統轉飭各叅佐領  
嚴催赴考有不能如期應試者各叅佐領確察申

都統以事由咨學政分別定限補考託故規避及  
徇隱苛索者論○遇鄉會試由兵部咨請銜名疏請  
欽命副都統叅領散秩官每翼各一人率領催五人入  
闈巡視試竣乃出試日唱名每旗委叅領散秩官  
一人送考繙譯生員三載兩試由各佐領彙造名  
冊申送直年都統疏請

欽命滿大臣考試清文錄取無定額中式者咨吏部以  
中書筆帖式庫使選用



凡旌表建昭忠祠於

京師八旗及直省駐防官兵有授命行陣者由都統  
詳其事蹟疏請入祀八旗分左右翼建忠義孝弟  
祠節孝祠由各旗佐領驍騎校確勘本旗之孝子  
順孫義夫孝婦節婦送叅領申都統覈實咨禮部  
彙疏請旌得

旨題坊於祠故則設位春秋遣官致祭皆給戶部庫銀  
三十兩令自建坊節婦之僅合年例者酌量嘉獎

題名於碑附疏以

聞

優卹

凡優給職官領侍衛內大臣滿洲都統給親隨兵  
八名蒙古漢軍都統前鋒護軍統領各六名步軍  
統領五名滿洲副都統四名蒙古漢軍副都統各  
三名翼尉一名前鋒護軍驍騎叅領各二名副護  
軍驍騎叅領前鋒侍衛均一名有半每名月給餉

銀三兩歲折米價十有二兩由戶部關支給都統副都統銜有職掌者部院堂官兼都統副都統郎中兼叅領佐領及額外旗員之任事者皆按等兼支又歲給養廉銀領侍衛內大臣九百兩滿洲都統七百兩蒙古漢軍都統前鋒護軍統領各六百兩滿洲副都統步軍統領各五百兩蒙古漢軍副都統步軍翼尉各四百兩按兩季支給叅領各六十兩副叅領前鋒侍衛各四十兩印房官視副叅領

均於歲終分給

凡公費八旗各給入官房地入租以充公用滿洲  
每旗歲約千餘兩蒙古旗三百兩漢軍旗五百兩  
本旗用不敷許於別旗通融動支餘貯戶部庫需  
用時請領

凡卹賞歲於戶部移取長蘆兩淮鹽課銀十二萬  
兩賞卹官軍滿洲每旗月七百兩蒙古旗三百兩  
漢軍上三旗各三百兩下五旗各二百二十兩均

於四季支取按旗分貯喪葬有卹婚嫁有賞前鋒  
親軍護軍驍騎諸校領催驍騎步軍教養兵各執  
事人及休退閑散病廢孤寡者各按等差給與由  
叅佐領驍騎校領催族長覈實具保結支領兵丁  
之在屯者亦如之歲終該都統彙疏以

聞有虛冒者罪之該管稽察各官論如律

凡出征官軍月餉給本家以資養贍無家者餉銀  
由佐領收貯米咨戶部存倉凱旋日按數給與

凡優給休退官兵武職引年量軍功給全俸半俸  
有差文職予告者同世爵未及歲者給半俸及歲  
給全俸世爵無嗣族人襲者以三分俸之一無人  
襲者以其俸之半給孀婦終其身驍騎患病傷殘  
及年六十以上告退者有軍功月給銀一兩米一  
斛僅從征者無嗣亦準給官兵身故給其妻俸餉  
之半一年駐防官兵之妻歸旗者亦如之無嗣者  
終身給與教養兵餉

凡隨任畱養外任旗員子弟獨子準隨任所有二  
三子者畱一子四五子者酌畱二三子餘均至十  
八歲以上送京選充執事人其考取之進士舉人  
貢生廩膳生繙書房生監咸安宮國子監學生皆  
不咨送直省駐防官兵降革病休及兵丁之已退  
者願就養於在外子孫無子孫及兄弟之子願就  
養於戶下之人食餉者皆聽病故官兵妻亦如之  
無嗣歸旗者該管官給郵付遣官押送

凡貸給庫帑八旗大小官員願借俸銀者喪葬準  
借六月婚嫁準借四月按季扣除如先有坐扣之  
項展限扣還前鋒親軍護軍驍騎諸校準借三十  
兩前鋒親軍護軍領催及族長二十兩驍騎十有  
五兩按月坐扣循環出納以資生計不願借者聽  
病故告休及獲罪力不能完者豁免

公式

凡軍政五歲一舉二品以上由兵部疏其官階治



績以

聞餘均考察於其長定為四格格分三等一操守曰廉  
曰平曰貪一才能曰長曰平曰短一騎射曰優曰  
平曰劣一年歲曰壯曰中曰老注上考者獎以五  
事曰行止端方曰居官勤慎曰弓馬嫻習曰馭兵  
有律曰給餉無虛具五事者薦舉卓異注下考者  
議以八法曰貪曰酷曰罷軟無為曰不謹曰年老  
曰有疾曰浮躁曰才力不及干一法者糾劾各官

有出征受傷及得功者考列中平不入舉劾者均  
注册於本年九月初旬送兵部候部疏請

欽命大臣考察

凡計功以功紀錄者繫職官奏請得

旨用兵部印紙填注咨部領催應得紀錄注册存貯旗  
部竢得官日咨部覈給有議處之案附咨抵銷  
凡劾過五品以上官身干法紀具疏糾叅因人連  
及與失察等事及六品以下官有犯均咨兵部覈

議彙疏以

聞○以曠職記過者歲終考察一次免議官二次以上  
議處領催三次責懲○在京三品以下五品以上  
旗員因公罪降革者咨送都察院覈覆該管官出  
具考語駐防降調官由駐防該管官出具考語送  
在京本旗轉咨都察院覈覆均引

見候

旨○世爵兼文武職任者犯貪污及行止不端爵秩兼

革若公罪獲譴應否畱世爵疏請候

旨奉

特旨革職者按其獲罪所由或在兼任或在本爵疏請亦如之世管佐領世爵於所兼任內軍政考察以浮躁議降者畱世爵以才力不及議降者並畱佐領其選補侍衛以力不勝任咨回者畱世爵佐領怠惰曠職有玷官箴者兼革緣事降級無論畱任或調任皆降罰世爵本俸以抵降調降級畱任者三

年無過革職畱任者四年無過奏請開復

凡班聯大朝慶賀常朝坐班東左翼西右翼按品

序列均如儀

詳見禮部

每月朔及月之十日二十日補

服

皇帝巡狩方嶽每日常服均於

午門外列坐

萬壽聖節元正均七日上元節三日咸朝服上三旗四

品以上官於

太和門外五品以下及下五旗官於

午門外列坐均與常朝同下五旗王公所屬佐領官  
員元正七日上元三日於本王公府第會集餘日  
仍於

午門外坐班○八旗分班奏事每旗各以所屬官十人  
侍班引

見與六部同內有魚文武階或充

御前

乾清門侍衛及部院司官者不與

凡稽察大祀豫期列都統名奏請

簡命稽察齋戒冊有舛漏官有規避者劾論每旗各委  
官一人巡察

壇

廟有褻越不恭者達於其長劾論如之○朝會每旗各委驍  
騎校二人同門衛官稽察各官僉從有出入喧雜  
者逮治之○京倉每倉以都統或副都統一入稽

察出入率三歲奏代版有滲漏米有竊盜者移倉  
場侍郎治之京通各倉每倉以叅領一人往會監  
替監視支放有通賄舞弊者聽倉場侍郎劾論

凡關支俸餉俸祿銀米歲以春秋二季支領與部  
官同兵米以四季每季鑲黃正黃二旗以孟月正  
白正紅鑲白三旗以仲月鑲紅正藍鑲藍三旗以  
季月赴倉支領餉及馬銀以每月赴部支領先由  
旗冊送俸冊內以見任官俸替為一則有降罰者



詳書恩卹俸糈為一則世爵任外官留京俸糈為一則為一則餉冊內以見額兵餉為一則恩卹兵餉為一則

詳見戶部各冊送部之限俸冊春季於十二月秋季於六月均

以十五日餉冊以豫月之十五日馬銀冊以豫月之十八日逾限不送者論限外由閑散人升補之京官在春秋孟月晦日前者許具冊補支緣事開復官亦如之由外省升調來京其原俸以離任截支者並得補支原俸餘均不得援擬歲終各旗彙

繕黃冊以

聞

凡出入符信旗人以事請假往外省者均由旗具結移咨兵部給以路引往

盛京及

畿輔近地者職官給引如之兵丁由叅領給票注限期及所往之地鈐以關防前鋒護軍各執事人憑來文給票亦如之閑散人鈐票以圖記均於回日

繳銷其逾限不回回不繳引票及不請假私往或  
往非所指之地者並論○駐防旗人及隨任外省  
各官之子弟以事來京者所司冊具籍貫年貌行  
在京本旗並注年貌於咨文給本人齎投回日由  
旗行知該管官仍給回咨其不候咨私行或領咨  
而潛往他處及所司畱難不給咨者論○夜行憑  
本旗印帖為驗有事須速傳者臨期填註時日給  
傳事人傳達次日繳銷該管官豫發印帖及繳帖

漏銷者論

凡服制父母所後父母故及為祖父母承重者在  
外任以聞訃日出征以凱旋日為始皆持服百日  
京官由本旗駐防官由該管官各咨兵部準假其  
自駐防回京者往返日月皆不入限假滿呈本旗  
行部銷假各復原任供職二十七月內文官停升  
餘均如常直省文武官由督撫咨部行旗十日內  
具結送部轉發各省飭令回京持服停升與在京

文官同

凡終養祖父母父母老疾家無次丁援例呈請者  
京官由叅佐領覈實具結申都統奏咨兵部注册  
停升外任外官由所司咨部行旗取結調回引

見候

旨以旗員改補如繫佐雜無改補之職者咨旗簡委差  
使其不願就者聽○駐防官兵已離職役衰老貧  
困與已故官兵之妻呈請畱養外省者必有子孫

兄弟及奴僕可倚者迺準畱駐防兵丁呈請歸養者必在京有祖父母父母或親伯叔祖父母年老家無次丁迺準歸養若兵丁離京歲久戶絕以無人守墓呈請者準令一人孀屬回京承祀餘人不得偕回均由旗覈實具結咨兵部各準所請

凡公署治事設八旗公署歲列都統副都統銜名奏請

簡命直年掌八旗會理之事選左右翼官校之賢能者

分治之領催驍騎掌書鈔各舉職以從其長課事  
考成每事率限十日其需行文會覈者二十日給  
餘限各如正限之數歲終則會已結未結之事彙  
疏以

聞所屬之稱職者於每歲更代日咨本旗以應升注冊  
○各旗專理之事正餘各限與值年同其叅領以  
歲計佐領驍騎校領催以三歲計各議功罪有差  
欽定大清會典卷九十七